

Transkription von Stadtbucheintrag HBS 1379a

Ort, Datierung: Halberstadt, 1379-02-01

Signatur: Stadtarchiv Halberstadt, L 04

Bemerkung: Urkunde eventuell zum Ortspunkt Magdeburg zuordnen?

Ek . Claws lenteke bürgh(er)e to machdeb(orgh) be kenne in disseme opene(n) breue . dat / de sake .
de in deme houe to Rome hangen . twische(n) dem Rade to halb(e)r(stad) . hern / Johanne
sconebeck(er)e . vnd(e) Jchteswelk(en) andern eren burghern . de in der sulue(n) sake / rede be nompt
sin . op eyne syd . vnd(e) von miner weghene op and(er)e syd . scullen / stillet wesen vif jar na der gift
disses breues . Also dat beydersyd neman weruen . noch / vord varn scal mid gheystlike(n) rechte in
der silue(n) sake . . voghede ok weme mer mid / dem silue(n) rechte vord to varende . na den vif Jarn .
welke tid dat w(er)e . de scolde dat / dem ande(re)n eyn gantz Jar vore vor kundeghe(n) . vnd(e) witlick
don . vnd(e) nicht in deme jare / de sake weddir an gripe(n) mid gheystlike(n) ghe richte noch nement
von siner weghene / dat Jar en w(er)e ok vor gangen . . w(er)e ok in der sake rede icht ghe dan . eddir
dat . dat / noch scheghe er disse be nomde(n) vif jar to vorn , vnd(e) dat vpsecgende jar dar na . welke /
tid dat w(er)e ok gantz . were(n) v(m)me kome(n) . dat en scolde nicht sin . vnd(e) vnghedan wese(n) /
dit loue ek vorb(e)nomde Claws lenteke burgh(er)e to magd(eborgh) . in gude(n) truwen . mid mine(n)
/ bürgh(e)n de hir na be screue(n) stan . her Claws stvne domh(er)re to halb(e)rs(tadt) . her Conr(ad)
perue / to sinte mertene . vnd(e) her Johan lenteke vicarius dar silues to dem dome to halb(e)rs(tad) /
stede gantz . vnd(e) vnuorbroke(n) to haldene . ane argelist . des to orkunde gheue we dissen / bref
mid vns(er) Anehangede(n) Inghes(ige)l(e)n be segheld nach goddes bord dritteynhundirt / Jar in
deme neghenvn(de)seuenteghest(en) Jare in vns(er) vrowen auende lichtmissen